



Broj: 150-15-4-344- 5 /22 MM  
Sarajevo, 10.03. 2022. godine

Na osnovu člana 70. stav (1) i (3) Zakona o javnim nabavkama („Službeni glasnik BiH“, 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine i broj: UV-104-01-1-1425-15/21 od 29. juna 2021. godine, člana 13. stav (2) tačka b), člana 43. stav (1) i člana 45. stav (2) Pravilnika o javnim nabavama, broj: UV-150-01-1-1467-3/20 od 27.07.2020. godine, guverner Centralne banke Bosne i Hercegovine donosi

### **O D L U K U**

#### **o izboru najpovoljnijeg ponuđača u postupku javne nabavke usluga – nabavki aviokarata**

##### **Član 1.**

Centralna banka Bosne i Hercegovine (u daljnjem tekstu: Centralna banka), ugovor za nabavku usluga - nabavki aviokarata, dodjeljuje ponuđaču CENTROTRANS D.D. Sarajevo, u svemu prema Ponudi broj: 1/624/22 od 17.02.2022. godine, na period od jedne godine.

##### **Član 2.**

(1) Ponuda ponuđača, za ukupnu uslugu posredovanja u prodaji avio karata (provizija), nakon održane e-aukcije, glasi na iznos do:

1.707,90 KM bez uračunatog PDV-a  
(slovima: hiljadusedamstotinasedam konvertibilnih maraka i 90/100)

odnosno

1.998,24 KM sa uračunatim PDV-om  
(slovima: hiljadudevetstotinadevedesetosam konvertibilnih maraka i 24/100).

(2) Iznos iz stava (1) ovog člana odnosi se na uslugu posredovanja u prodaji avio karata (provizija), a ukupna vrijednost okvirnog sporazuma za period od jedne godine može iznositi maksimalno 50.000,00 KM bez uračunatog PDV-a (slovima: pedesethiljada konvertibilnih maraka i 00/100) odnosno 58.500,00 KM s uračunatim PDV-om (slovima: pedesetosamhiljadapetstotina konvertibilnih maraka i 00/100).

##### **Član 3.**

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum, za čije se izvršenje zadužuje Odjeljenje za zajedničke poslove Centralnog ureda Centralne banke Bosne i Hercegovine (u daljem tekstu: Odjeljenje za zajedničke poslove).

#### Član 4.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Odjeljenje za zajedničke poslove i Odjeljenje za računovodstvo i finansije Centralnog ureda Centralne banke Bosne i Hercegovine.

#### Član 5.

Ova Odluka će se objaviti na web stranici Centralne banke [www.cbbh.ba](http://www.cbbh.ba) istovremeno s upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

### O b r a z l o ž e n j e

Postupak javne nabavke usluga - nabavka avio karata, putem otvorenog postupka, pokrenut je Odlukom, broj: 150-15-4-344-2/22 MM od 19.01.2022. godine.

U skladu s tim, Centralna banka je 03.02.2022. godine na portalu Javnih nabavki objavila Obavještenje o nabavci broj: 1370-1-2-71-3-88/22.

U predviđenom roku za dostavljanje ponuda do 18.02.2022. godine do 10:00, blagovremeno je dostavljeno četiri ponude slijedećih ponuđača:

- V.I.P. TRAVELS d.o.o.,
- CENTROTRANS D.D.,
- VENTURA TRAVEL AGENCY,
- MRKULIĆ COMPANY d.o.o.

Komisija nadležna za provođenje postupka javne nabavke (u daljem tekstu: Komisija) je izvršila pregled i ocjenu pristiglih ponuda.

Komisija je ocijenila da ponude ponuđača V.I.P. TRAVELS i VENTURA TRAVEL AGENCY ne ispunjavaju uslove utvrđene u tenderskoj dokumentaciji i da su iste neprihvatljive.

Ponuda ponuđača V.I.P. Travels d.o.o. nije prihvatljiva iz slijedećeg razloga:

- Ponuđač je u ponudi dostavio nacrt Okvirnog sporazuma o pružanju usluga – nabavki aviokarata – Aneks 6. koji nije popunjen u cijelosti. Ponuđač u dostavljenom Okvirnom sporazumu nije upisao iznos finansijske ponude dobavljača u članu 3. stav (1). Naime, tenderskom dokumentacijom je izričito traženo slijedeće: „*Sastavni dio ove tenderske dokumentacije je Nacrt okvirnog sporazuma, u koji su uneseni osnovni elementi. Ponuđači su dužni uz ponudu dostaviti **popunjen, ovjeren i potpisan nacrt okvirnog sporazuma** na mjestu predviđenom za potpis istog.*“

Ponuda ponuđača VENTURA TRAVEL AGENCY d.o.o. nije prihvatljiva iz slijedećeg razloga:

- Ponuđač je u ponudi dostavi Aktuelni izvod iz sudskog registra, broj: 051-0-RegZ-22-000018 od 05.01.2022. godine, na čijoj zadnjoj stranici se nalazi notarska ovjera, u



kojoj nije naveden broj stranica koji se ovjerava, niti je svaka stranica dostavljenog dokumenta ovjerena. Naime, tenderskom dokumentacijom je izričito traženo slijedeće: „Dokaz o registraciji za obavljanje djelatnosti, original ili ovjerena kopija - u skladu sa članom 46. Zakona o javnim nabavkama (sve stranice dokumenta moraju biti ovjerene).“

Komisija je, nakon izvršenog pregleda i ocjene ponude svih dostavljenih ponuda, konstatovala da ponude ponuđača CENTROTRANS d.d. i MRKULIĆ COMPANY d.o.o. ispunjavaju sve uslove definisane tenderskom dokumentacijom.

Sa navedena dva ponuđača je zakazana e-aukcija za dan 04.03.2022. godine. Po završetku e-aukcije prvorangirana je ponuda ponuđača CENTROTRANS d.d.

Komisija je Zapisnikom o pregledu i ocjeni ponuda, broj: 149-15-4-644-8/22 i Izvještajem o radu sa preporukom, broj: 149-15-4-644-9/22, oba od 04.03.2022. godine dala preporuku kao u dispozitivu ove odluke.

Cijeneći sve naprijed iznesene činjenice i okolnosti, odlučeno je kao u dispozitivu ove odluke.

**Pouka o pravnom lijeku:**

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

Dostaviti:

- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- Odjeljenju za zajedničke poslove;
- Ponuđačima (original);
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original).

**GUVERNER**  
**dr. Senad Softić**

